

UMP rangkul tiga pingat pada I-PHEX

Kuala Lumpur: Universiti Malaysia Pahang (UMP) meraih satu pingat emas dan dua pingat gangsa pada Innovative Practices In Higher Education Expo 2015 (I-PHEX) yang berlangsung di Universiti Teknologi Malaysia (UTM) di sini, baru-baru ini.

Pingat emas diraih pensyarah Fakulti Kejuruteraan Elektrik dan Elektronik, Dr Mohd Rusllim Mohamed melalui inovasi pengajaran dan pembelajaran (PdP) bertajuk 'Implementation of Integrated Student Capability System for all Academic Programs

at Universiti Malaysia Pahang towards Integrated CGPA'.

Manakala pingat gangsa pula disumbangkan pensyarah Fakulti Sistem Komputer dan Kejuruteraan Perisian, Dr Adzhar Kamaludin menerusi inovasi bertajuk 'Student Engagement Through Integration of Flipped Classroom and Problem Based Learning Approaches For Class of Repeat Students'.

Satu lagi gangsa diterima pensyarah Pusat Bahasa Moden dan Sains Kemanusiaan (PBMSK), Dr Nik Aloesnita Nik Mo-

hd Alwi melalui inovasi 'Computer-mediated Intercultural Communication Through the Window of English As a Lingua Franca'.

Iktiraf ahli akademik

Sementara itu, Timbalan Naib Canselor (Akademik dan Antarabangsa) UMP, Prof Datuk Dr Rosli Mohd Yunus, berkata ekspo itu bertujuan mengiktiraf seterusnya memberi ganjaran kepada ahli akademik yang berusaha meningkatkan kualiti pendidikan.

Katanya, sebanyak 10 penyertaan diantar UMP

membabitkan pelbagai bangunan berterusan dan kategori antaranya inovasi kurikulum, inovatif penilaian, inovatif pelajar menggunakan pendekatan pembelajaran, program khas sokongan akademik, pendidikan untuk pem-

bangunan berterusan dan kepelbagaian pembelajaran.

"Program ini dilihat bukan saja peluang mempromosikan amalan inovatif berkait rapat dengan PdP pada peringkat antarabangsa.

"Program itu juga platform terbaik berkongsi pengetahuan dan bertukar amalan PdP yang dipraktikkan institusi pengajaran tinggi lain dari dalam dan luar negara," katanya.



Barisan penyelidik UMP yang meraih pingat pada I-PHEX 2015.